

В ПЯТОК 4-Я СЕДМИЦЫ ВЕЧЕРА.

На Господи воззвах, поставим стихов 10: и поем самогласен, дважды: и 4 мученичны гласа, и в Минее 4.

Самогласен, глас 7:

Страстем поработив / души мояя достоинство, скот бых: / и не могу воззрети к Тебе Вышнему, / но долу преклонився Христе, / яко мытарь, молюся зовый Тебе: / Боже очисти, и спаси мя.

Слава, покоем, Иоанна Дамаскина.

И ныне, Богородичен 1-й, гласа. Вход. Свете тихий:

Прокимен, псалом 79, глас 4: Пасыи Израиля вонми, наставляяй яко овца Иосифа.

Стих: Седяй на херувимех явися.

Бытия чтение. [Глава 12, ст. 1 – 7.]

Рече Господь Авраму: изыди от земли твоея, и от рода твоего, и от дому отца твоего, и иди в землю юже ти покажу. И сотворю тя в язык велий, и благословлю тя, и возвеличу имя твое, и будеши благословен. И благословлю благословящия тя, и кленущия тя проклену: и благословятся о тебе вся племена земная. И иде Аврам, якоже глагола ему Господь, и идяше с ним Лот. Аврам же бе лет седмидесяти пяти, егда изыде от [земли] Харран. И поят Аврам Сару жену свою, и Лота сына брата своего, и вся имения своя, елика стяжаша, и всякую душу, юже стяжаша в Харране: и изыдоша поити в землю Ханааню. И пройде Аврам землю в долготу ея, даже до места Сихем до дуба високаго: хананей же тогда живяху в земли [той]. И явися Господь Авраму, и рече ему: семени твоему дам землю сию. и созда тамо Аврам жертвенник Господу явльшемуся ему.

Прокимен, псалом 80, глас 4: Радуйтесь Богу Помощнику нашему.

Стих: Примите псалом, и дадите тимпан.

Притчей чтение. [Глава 14, ст. 15 – 26.]

Незловивый веру емлет всякому словеси: коварный же приходит в раскаяние. Премудр убоявся, уклонится от зла: безумный же на себе надеявся, смешавается со беззаконным. Острояростный без совета творит: муж же мудрый многая терпит. Разделяют безумнии злобу: коварнии же удержат чувство. Поползнутся злии пред благими, и нечестивии послужат пред дверьми праведных. Друзи возненавидят друзей убогих: друзи же богатых мнози. Безчестяй убогия, согрешает: милуяй же нищия, блажен. Заблуждающии [неправедницы] делают злая: милость же и истину делают благии. не ведут милости и веры делателие злых милостыни же и веры у делателей благих. Во всяком пекущемся есть изобилие: любосластный же и безпечальный в скудости будет. Венец премудрых богатство их: житие же безумных зло. Избавит от

злых душу свидетель верен: разжизает же лживыя лестный. В страсе Господни
упование крепости: чадом же своим оставит утверждение [мира].

В СУББОТУ 4-Я СЕДМИЦЫ НА УТРЕНИ:

Аллилуиа, и тропари, глас 2:

Апостоли, мученицы и пророцы, / святителие, преподобнии и праведнии, / добре подвиг совершившии, / и веру соблюдшии, / дерзновение имущии ко Спасу, / о нас Того яко Блага молити спастися, / молимся, душам нашим. [Дважды.]

Слава, мертвен:

Помяни Господи яко Благ рабы Твоя, / и елика в житии согресиша прости: / никтоже бо безгрешен, / токмо Ты могий / и преставленным дати покой.

И ныне, Богородичен:

Мати Святая / неизреченнаго Света, / ангельскими Тя песньми / почитающе, / благочестно величаем.

По 1-м стихословии глаголем седальны мученичны Осмогласника, прилучившагося гласа, три: и Богородичен.

По 2-м же стихословии глаголем седален покоин:

глас 5:

Покой Спасе наш / с праведными рабы Твоя, / и сия всели во дворы Твоя, / якоже есть писано, / презирая яко Благ прегрешения их, / вольная, и невольная, / и вся яже в ведении и не в ведении Человеколюбче.

Слава, конец.

И ныне, Богородичен:

От Девы возсиявый миру Христе Боже, / сыны света Тою показавый, помилуй нас.

О сих всех указася в мимосшедшую субботу. И чтение в Шестодневце.

Таже канон Минеи, и святаго обители, и настоящия четверопеснцы по чину их. Четверопеснец, егоже краегранесие: Песнь на мученики, господина Иосифа. И стихословятся песни.

Глас 4.

Песнь 6.

Ирмос: Пучиною житейскою:

Преидосте пределы плотския страдальцы многим терпением, претерпевше муки и болезни. Темже всякую болезнь и скорбь облегчаете, вас воспевающих.

Тьмам ангел воинство совокупися святых страсотерпец, и молит Всеблагаго Бога, согрешений тьмочисленных нас избавити, яко Христу угодившии.

Умертвився и во гробе Христе уснув, возставил еси мертвыя, и в вере умершим даеши благодати богатство Христе, покой я со всеми святыми.

Богородичен: Божие Бог Слово, иский обожити человека Чистая, из Тебе воплощается, и землен видится: Егоже непрестанно моли, обрести нам милость во время ответа.

Иный господина Феодора, глас тойже.

Ирмос: Бурею греховною погружаемь, / яко во чреве китове содержимь, / с пророком зову Ти: / возведи от тли живот мой Господи, / и спаси мя.

Плоти и крове святити не пощадевши, ко всякому мучению стасте небоязненни, Христа не отметающесе: темже с небес низпосла Христос вам венцы.

Мученик торжество усрящим, просветившесе детельми, и возопиим богодухновенными песньми: вы есте воистинну денницы на земли, Христовы мученицы.

Троицен: Троице Святая славлю Тя, Естество безначальное, единаго Бога, единаго Господа, три Лица, Отца, Сына и Духа: нерожденна, рожденна, исходна, Туюжде и присносущну.

Богородичен: О блаженная Богоневесто, како родила еси без мужа, и пребыла еси якоже прежде? Бога бо родила еси, чудо страшное: но моли спастися поющим Тя.

Стих: Дивен Бог во святых Своих, Бог Израилев.

Мученичен: Усечения удов ваших зряще, наслаждаетеся кровьми радующесе: но молитесь о нас прилежно Господа, мученицы приснославнии.

Стих: Души их во благих водворятся.

От земли создавый мя, и ожививый мя, и в землю возвратитися мне паки рекий, яже приял еси рабы Твоя упокой, и от тли смертных возведи Господи.

Ирмос: Бурею греховною погружаемь, / яко во чреве китове содержимь, / с пророком зову Ти: / возведи от тли живот мой Господи, / и спаси мя.

Кондак Глас 6:

Со святыми упокой, / Христе, души усопших раб Твоих, / идеже несть болезнь, / ни печаль, / ни воздыхание, / но жизнь безконечная.

Икос: Сам Един еси безсмертный, / сотворивый и создавый человека: / земнии убо от земли создахомся, / и в землю туюжде пойдём, / якоже повелел еси, / создавый мя и рекий ми: / яко земля еси и в землю отыдеши, / аможе вси человецы пойдём, / надгробное рыдание / творяще песнь / : Аллилуиа.

Песнь 7.

Ирмос: Образу златому:

Оболкшеся страдальцы в нетление божественное, обнажением тленныя плоти, нас ради плоть от нетленныя Приемшему Жены, ныне предстоите светлии: сего ради мя облецыте во одежду священную обнаженнаго злобою.

Воздержанием поживый, страдальческий собор, воздержания нас поприще укрепите тещи невозбранно, яко проповедавый Христа на поприщи мужественно, и предстояй престолу венценосный, в наслаждение мысленно со ангелы.

Молитвами Боже Твоих святых мученик, усопшия верно рабы Твоя, рая жители покажи, и света мысленнаго сподоби я, непрестанно вопиющия Тебе: благословен Бог отцев наших.

Богородичен: Тя едину благую молим Дево, озлобленныя ны ублажи, и прилежно Христа моли естеством суца благаго, воздержания время, благая деющим, исполнии нам поющим Его: благословен Бог отцев наших.

Иный.

Ирмос: Глаголавый на горе с Моисеем, / и образ девства явлей в купине, / благословен еси Боже отец наших.

Возвеличивый святыя Твоя вся, знаменьми удивив я в мире: благословен еси во веки Господи Боже отцев наших.

Всякий вид ран прошедше, и колена ваалу не покоршеся преклонити, венцы славы взясте от Бога Христовы мученицы.

Троицен: Во Единице Троице, покланяемое Существо, Отче, Сыне и Душе, воспевающия Тя сохраняй, Боже отцев наших.

Богородичен: Дево Мати Отроковице всесветлая, едина к Богу ходатайство, не престай Владычице молити спастися нам.

Стих: Святым, иже суть на земли Его, удиви Господь:

Безсмертному Царю воинствовавше, и веру к Нему показавше совершенную, кровь свою мученицы за Него излиае.

Стих: Блажени, яже избрал, и приял еси Господи.

Идеже свет Твой жизни истекает, преложи яже преставил еси от временных, верныя Твоя рабы, Господи Боже отец наших.

Ирмос: Глаголавый на горе с Моисеем, / и образ девства явлей в купине, / благословен еси Боже отец наших.

Песнь 8.

Ирмос: В огни пламеннем:

Великоименитии Христовы страдальцы, и честнии в Бозе, вся воспевающия памяти ваша, великих согрешений, и тамошних мук избавите ны, к Нему вашими великими молитвами.

Святоизбранное Христа Бога, и твердое воистинну воинство, мученик соборы освятите наш ум и сердце, в сия святыя дни постныя, вашими святыми молитвами.

Избави червия мучащаго, и скрежета зубнаго, Господи, и внешняя тьмы несветимыя, вся яже верою приял еси: и учини сия, идеже свет лица Твоего Христе, сияет во веки.

Богородичен: Крест Христов честный, Богородице Чистая, видевшая и от сердца поклонившаяся ны, Твоими ко Владыце сподоби молитвами, видети и страсти честныя, страстей очищенных.

Иный.

Ирмос: Земля, и вся яже на ней, / море и вси источники, / небеса небес, свет и тьма, мраз и зной, / сынове человечестии, / священницы благословите Господа, / и превозносите Его во веки.

О добраго изменения, имже обретосте смертию живот, священномученицы Христовы, огня и меча, мраза и зверей никакоже убоявшеся, и вопиюще: пойте Господа, и превозносите во вся веки.

Горе лик ангельский, доле же мы земнии, хвалим мученицы Христовы, странная страдания, и подвиги вашего мужества, благословяще, поюще Господа, и превозносяще во вся веки.

Благословим Отца, и Сына, и Святаго Духа, Господа.

Свет, Живот же и Животы, почитаю Тя Отца, и Сына, и Духа исходна, Естество едино, три Ипостаси, Бога Единаго поя, благословлю Тя, пою Тя Господа, и превозношу Тя во вся веки.

Богородичен: Кто не воспоеет Тя от земнородных, нескверная Чистая голубица? Ты бо родила еси нам Свет великий, жизни богатство, Иисуса Спаса: Егоже поем хваляще яко Господа, и превозносим во вся веки.

Стих: Дивен Бог во святых Своих, Бог Израилев.

Подвиги чудныя, мученицы, славяще ваша, благодетеля и Бога благословим и поклоняемся, на поприще подвигов вас укрепившаго: Егоже превозносим во вся веки.

Стих: Души их во благих водворятся.

Ты смерти и живота Господь сый и Бог, преставльшихся благочестно воздвизаяй, тамо преложи в селениях праведных, благословящия, поющия Тя Господи, и превозносящия во вся веки.

Ирмос: Земля, и вся яже на ней, / море и вси источницы, / небеса небес, свет и тьма, мраз и зной, / сынове человечестии, / священницы благословите Господа, / и превозносите Его во веки.

Песнь 9.

Ирмос: Яко сотвори Мне:

Светильницы суще нелестнии, Христовы страдальцы, просветите наша помыслы, утвердите творити светозарная и чистая Божия хотения.

Оружия зритесь закалающая враги, доблии Христовы страдальцы: но избавите нас от стрел лукаваго предстательства вашими.

Покой Щедре в недрах Авраамовых рабы Твоя, верую от нас отшедшия, к Тебе всяческих Зиждителю и Преплагому.

Богородичен: Плоти моя умертви движения, Бога плотию Рождшая паче ума, и подаждь просвещение мысли моей, чистый облак сущи света.

Иный.

Ирмос: Величаем вси человеколюбие Твое, / Христе Спасе наш, / славо раб Твоих, / и венче верных, / возвеличивый память Рождшия Тя.

Воспеваем вси памяти ваша, мученицы прехвальнии, подвиги видяще священных ваших страданий, и удивившеся Христа величаем.

Друг ко другу страждуще глаголаху страсотерпцы: плоти не пощадим, приидите, умрем о Христе, да во вся веки поживем ликующе непрестанно.

Троицен: О Троице во едином Естестве, Тя воспевающия, Отче нерожденный, и рожденный Сыне, и Душе исходный, Твоею милостию невредимы соблюди.

Богородичен: Радуйся Всечестная Чистая, девства похвало, матерей утверждение, человек помощи, и мира радости, Марие Мати, и Рабо Бога нашего.

Стих: Дивен Бог во святых Своих, Бог Израилев.

Личе святых, прими мольбу мою: и яко сподобил мя еси Крест целовати, и спасительней страсти поклонитися мне, Христа молити.

Стих: Блажени, яже избрал, и приял еси Господи.

Ослаби, остави Щедре, к Тебе Человеколюбцу преставленным, и сих покой в селениих избранных: Ты бо еси Жизнь и Воскресение.

Ирмос: Величаем вси человеколюбие Твое, / Христе Спасе наш, / славо раб Твоих, / и венче верных, / возвеличивый память Рождшия Тя.

Ексапостиларий:

Небо звездами украсивый яко Бог, и Твоими святыми всю землю просветивый, Содетелю всех поющия Тя спасай.

Слава: Живыми и мертвыми обладай яко Бог, упокой Твоя рабы в селениях избранных: аще бо и согресиша Спасе, но не отступиша от Тебе.

И ныне: Сладость ангелов, скорбящих радость, христиан предстательнице, Дево Мати Господня, заступи нас, и избави вечных мук.

**На хвалитех мученичны гласа. На стиховне же подобны господина
Феофана.**

НА ЛИТУРГИИ

Изобразительная, И Блаженны Гласа.

По входе тропари:

Апостоли, мученицы и пророцы, / святителие, преподобнии и праведнии, / добре подвиг совершившии, / и веру соблюдшии, / дерзновение имуще ко Спасу, / о нас Того яко Блага молите, / молимся, спастися душам нашим.

Помяни Господи яко Благ рабы Твоя, / и елика в житии согрешиша прости: / никтоже бо безгрешен, / токмо Ты могий / и преставленным дати покой.

Слава: Со святыми упокой, / Христе, души раб Твоих, / идеже несть болезнь, / ни печаль, / ни воздыхание, / но жизнь бесконечная.

И ныне, Тебе и стену и пристанище имамы, / и Молитвенницу благоприятную к Богу. / Егоже родила еси, Богородице Безвестная, верных спасение.

Прокимен, Веселитесь о Господе:

Стих: Блажени, ихже оставишася беззакония:

Другий: Души их во благих водворятся.

Апостол, зачало 313. [Евр. 6, 9 – 12.]

Возлюбленнии: **Надѣемса** же ѿ васъ, возлюбленнии, любящихъ и придерживающихся спснїа, яже и такъ глаголемъ. **Не** ѿбидивъ бо бгъ, забыти дѣла вашихъ и трѣдѣ любви, яже показате во имя егѡ, послѣживше стѣмъ и слѣжаще. **Желѣемъ** же, да кїждо васъ являетъ тожде тѣнїе ко извѣщенїю оупованїа даже до конца, да не лѣнїви вѣдете, но подражателе наследствующихъ ѡбѣтованїа вѣрою и долготерпѣнїемъ.

И за упокой: к Коринфяном, зачало 163. [1 Кор. 15, 47 – 57.]

Братне: **Первый** человекъ ѿ земли, перстенъ: второй члвкъ гдъ съ нбсѣ. **И**аковъ перстный, таковъ и перстни: и **и**аковъ нбный, тѣцы же и нбни: и **и**акоже ѡблекѡхомса во ѡбразъ перстнаго, да ѡблечемса и во ѡбразъ нбнаго. **Сїе** же глаголю, братїе, **и**акъ плоть и кровь црѣтвїа бжїа наследити не мѡгутъ, ниже тлѣнїе нетлѣнїа наследуетъ. **Сѣ**, тѣнѣ вамъ глаголю: вси бо не оўспнемъ, вси же **и**змѣнимса вскорѣ, во мгновѣнїи ока, въ послѣдней трѣбѣ: вострѣвнтъ бо, и мѣртвїи востанѡтъ нетлѣнни, и мы **и**змѣнимса: подобаетъ бо тлѣнному семѡ ѡблещиса въ нетлѣнїе и мѣртвенному семѡ ѡблещиса въ безсѣртїе. **Егда** же тлѣнное сїе ѡблечѣтса въ нетлѣнїе и смѣртное сїе ѡблечѣтса въ безсѣртїе, тогда вѣдетъ слово написанное: пожрѣта вѣсть смѣрть повѣдою. **Гдѣ** ти, смѣрте, жало;

гдѣ ти, ѿде, повѣда; **Ж**ало же смѣрти грѣхъ: сила же грѣхѹ законъ. **Б**гѹ же благодарѣнїе, давшемѹ намѹ повѣдѹ гдѣмѹ нашимѹ иисѹ хрѣтомѹ.

Аллилуиа: Воззваша праведнии:

Стих: Блажени, яже избрал, и приял еси Господи.

Евангелие Марка, зачало 31. [Мк. 7, 31 – 37.]

Во время оно: **И** пакы изшѣдѹ иисѹ ѿ предѣлѹ тѹрскихѹ и сїдонскихѹ, прїиде на море галїлейско, междѹ предѣлы декапѹльски. **И** приведоша къ немѹ глѹха и гдгнїва, и молахѹ егѹ, да возложитѹ на нь рѹкѹ. **И** поемь егѹ ѿ народа единаго, вложи персты своѹ во оушы егѹ и плѹнѹвъ коснѹсѹ ѹзыка егѹ: и воззрѣвъ на небо, воздохнѹ и гла емѹ: еффаѹ, еже есть разверзисѹ. **И** ѹбѣе разверзостасѹ слѹха егѹ, и разрѣшисѹ оуза ѹзыка егѹ, и глаголаше правѹ. **И** запретѹ имѹ, да ни комѹже повѣдаѹтѹ: елику же имѹ тѹи запрѣциаше, паче излиха проповѣдахѹ. **И** преизлиха дивлахѹсѹ, глаголюще: добрѣ все творитѹ: и глѹхїа творитѹ слышати, и немѹиа глаголати.

И за упокой, от Иоанна, зачало 16. [Ин. 5, 24 – 30.]

И от Иоанна, зачало 16. [Ин. 5, 24 – 30.]

Рече Господь ко пришедшим к Немѹ идеем: **А**минь, аминь глаю вамѹ, ѿкѹ слышай словесѹ моегѹ и вѣрѹай послаившемѹ мѹ имѹти живѹтѹ вѣчный, и на сѹдѹ не прїидетѹ, но прѣидетѹ ѿ смѣрти въ живѹтѹ. **А**минь, аминь глаю вамѹ, ѿкѹ градѣтѹ часѹ, и ннѣ есть, егда мертви оуслышатѹ гласѹ снѹ вжїа и оуслышавше ѹживѹтѹ. **И**акоже во оцѹ имѹти живѹтѹ въ себѣ, такѹ даде и снѹи живѹтѹ имѣти въ себѣ и ѹвласть даде емѹ и сѹдѹ творити, ѿкѹ снѹ члвчѹ есть. **Не** дивитесѹ семѹ: ѿкѹ градѣтѹ часѹ, въ онѹже вси сѹщїи во гробѣхѹ оуслышатѹ гласѹ снѹ вжїа, и изыдѹтѹ сотворшїи вѹгѹа въ воскрѣшенїе живѹтѹ, а сотворшїи злѹа въ воскрѣшенїе сѹдѹ. **Не** могѹ азѹ ѹ себѣ творити ничесѹже. **И**акоже слышѹ, сждѹ, и сѹдѹ мой прѣвнѹ есть, ѿкѹ не ицѹ воли моеѹ, но воли послаившагѹ мѹ оцѹ.

Причастен: Радуйтесѹ праведнии о Господе:

Другий: Блажени, яже избрал и приял еси Господи.